

KAMPUS UUM SINTOK DIKELILINGI BUKIT-BUKAU

Rencana dan foto oleh
Mohd. Zaini Nasri

KAMPUS Sintok Universiti Utara Malaysia (UUM) mula beroperasi pada bulan September lalu apabila UUM berpindah dari kampus sementaranya di Bandar Darulaman, Jitra.

Kampus seluas 1,000 ekar itu terletak 10 kilometer di timur pekan Canglun dan menganjur menegak ke arah utara sehingga ke sempadan Malaysia-Thai.

Nama 'Sintok' mula tercatat dalam sejarah tanahair apabila pada zaman penjajah dahulu ia telah ditawan oleh pegganas komunis dan memaksa kerajaan memusnahkan bandar itu setelah memindahkan kira-kira 4,000 penduduk ke kawasan penempatan baru di Negeri Kedah Darulaman.

Sejak itu, ia tinggal sebagai kawasan hitam sehinggalah Kementerian Dalam Negeriewartakan semula kawasan Sintok sebagai kawasan putih pada awal 1989 bagi membolehkan kerja-kerja pembinaan kampus tetap UUM berjalan lancar.

Tapak kampus Sintok sebahagiannya adalah bekas lombong bijih timah yang dikelilingi kawasan berbukit-bukau yang dilitupi pula dengan khazanah hutan hujan tropika berusia ratusan tahun.

Latar belakang yang hijau permai ini diperindahkan lagi oleh hamparan lembah di tengahnya di mana Sungai Sintok mengalir syahdu di celah-celah tasik kecil tinggalan lombong bijih dan bertemu mesra pula dengan Sungai Badak di bahagian utara persis per-

temuan Sungai Klang dan Sungai Gombak di Kuala Lumpur.

Simpanan sumber bijih timah yang dikatakan masih banyak di bawah bumi kampus Sintok ini pula menyumbang hawa yang sejuk terutama pada sebelah malam seperti di Bandaraya Ipoh di Lembah Kinta.

Di tengah-tengah segala keindahan dan anugerah Tuhan inilah terbinanya sebuah kampus universiti yang ditubuhkan khusus bagi melahirkan tenaga profesional dalam bidang pengurusan.

Seni bina

Konsep seni bina bangunan - bangunan di kampus termoden ini adalah selaras dengan objektif penubuhan UUM dan mengambil kira ciri - ciri seni bina tempatan serta faktor persekitarannya.

Reka bentuk bangunan - bangunan di kampus Sintok dicipta sedemikian rupa supaya walaupun saiznya tersergam, ia tidak pula menghadang pemandangan indah yang melatarinya. Ini dimungkinkan dengan adanya konsep 'telus pandang' (*see through*) pada bangunan - bangunan berkenaan.

Bagi menghindari pemandangan yang seragam (*monotonous*), bangunan - bangunan di kampus ini juga di reka bentuk berbagai - bagai rupa dengan warna yang beraneka pula.

Dalam keadaannya yang belum seratus peratus siap sekarang ini pun setiap orang yang melihatnya sudah mengiktiraf akan keindahannya, kampus Sintok dijangka membangun menjadi sebuah kampus yang paling cantik di dunia sebelah sini beberapa tahun lagi.




KAWASAN berbukit bukau dengan pokok - pokok hutan hujan tropika meng-hijau melatari pemandangan indah kampus Sintok UUM.

elly!

E & NATURAL

OTAKU
PILAU

ME 3 16 PRTS



TELUS pandang... dari sebuah kafetaria, seseorang boleh melihat dewan besar yang terletak 700 meter di hadapan menembusi bangunan hal ehwal pelajar dan bangunan perpustakaan di tengahnya.



'THE MALL' sepanjang 800 meter menghubungkan masjid universiti dan bangunan pentadbiran di seberang Sungai Sintak.

RENCANA



MASJID universiti tersergam indah di tebing bukit sebelah barat kampus UUM dilihat dari pintu gerbang bangunan hal ehwal pelajar.